



二十一史論贊

U 8
1899
9



リ 8
1899
9

先儒有言歷代以來文甚難求元以來事甚難究
更無神乎私私私私私私私私私私私私私私私私
私多胞胞胞胞胞胞胞胞胞胞胞胞胞胞胞胞胞胞胞
此皆謂所謂所謂所謂所謂所謂所謂所謂所謂所謂

古天...



後周書小引

先儒有言唐史以來文甚陋宋元以來事甚蕪後周一書
更蘇綽牛弘令狐德芬之手而成晁氏譏其非實錄嗟乎
弘多臆剝猶云非故若德芬清言標勝安可同日語哉覽
諸贊滌除蕪陋蓋亦唐史之巨擘云

古吳沈國元飛仲題



前晉劉勰著論蓋亦專史文已舉云

古吳沈國元飛仲

沈國元飛仲 批選 子 沈 琦 韓 來 較

二十一史論贊目錄

古吳 沈國元飛仲 批選 子 沈 琦 韓 來 較

金斗 吳士奇無奇 全閱 貴陽 徐 必大 必久 全泰

居爨 李 燦 華 仲 必遠 必昇

後周書

本紀

文帝

閔帝

明帝

武帝

宣帝

靜帝

列傳

皇后

荀惠公顯杞簡公連莒莊公洛生虞國公仲

晉蕩公護

賀拔勝念賢

寇洛李弼于謹

趙貴獨孤信侯莫陳崇

梁禦若于惠怡奉劉亮王德

王羆王思政

達奚武侯莫陳順豆盧寧宇文貴楊忠王雄

王盟賀蘭祥尉遲綱叱列伏龜閻慶

尉遲迴王謙司馬涓難

周惠達楊寬蘇綽

李賢

赫連達韓果蔡祐常善辛威庫狄昌田弘梁椿梁臺宇文測

史寧陸騰賀若敦權景宣

王傑王勇宇文虬宇文盛耿毫高琳李和伊婁穆楊紹王惟

達奚實劉雄侯植

竇熾子翼

趙善元定楊擲裴寬楊敷

鄭孝穆崔謙裴俠薛端薛善

鄭偉楊纂段永王士良崔彥穆令狐整司馬裔裴果

寇雋韓褒趙肅張軌李彥郭彥裴文舉

蘇亮呂思禮薛澄薛寔李翹元暉

韋瑱梁昕皇甫璠辛慶之王子直杜果

尉遲運王軌宇文神舉宇文孝伯顏之儀

王褒庾信

蕭撝蕭世怡蕭圓蕭蕭大圓宗懔劉璠柳霞

李延孫韋祐韓雄陳忻魏玄

泉企李遷哲楊乾運扶猛楊雄席固任果

傳

儒林

孝義

藝術

蕭管

異域

後周書目舉

二十一史論贊 後周書

唐 令狐德芬 撰 明 沈國元 閱

本紀

文帝 宇文姓名覺代西魏都鄴

太祖田無一成衆無一旅驅馳戎馬之際躡足行伍之間屬與能之時應啟聖之運鳩集義勇糾合同盟一舉而殄仇讎再駕而匡帝室於是內詢帷幄外杖材雄推至誠以待人弘大順以訓物高氏籍甲兵之衆恃戎馬之疆屢入近畿志圖吞噬及英謀電發神旆風馳弘農建城漢之勲沙苑有昆陽之捷取威定霸以弱為彊

紹元宗之衰緒創隆周之景命南清江漢西舉巴蜀北控沙漠東
據伊瀍乃擯落魏晉憲章古昔修六官之廢典成一代之鴻規德
刑茲用勳賢兼叙遠安通悅俗阜民和億兆之望有歸揖讓之期
允集功業若此人臣以終盛矣哉至於渚宮制勝闔城擊戮茹茹
歸命盡種誅夷雖事出於權道而用垂於德教周祚之不永或此
之由乎

姚仙期曰鏗鏘推誠弘順則興德薄教衰則亡王政要領朗挈無餘矣

閔帝

孝閔承既安之業應樂推之運柴天竺物正位君臨邇無異言遠
無異望雖黃初代德太始受終不之尚也朕政由甯氏主懷世刺
之疑祭則寡人臣無復子之請以之速禍宜哉
姚均裳曰警練

[Faint bleed-through text from the reverse side of the page]

明帝

世宗寬仁遠度。○ 叡哲博聞。○ 處代邸之尊。○ 實文昭之長。○ 豹姿已變。○ 龍德猶潛。○ 而百辟傾心。○ 萬方注意。○ 及乎迎宣。○ 黜賀入纂。○ 大宗而禮貌。○ 功臣敦睦。○ 九族率由。○ 恭儉崇尚。○ 文儒疊疊。○ 焉其有君人之德者矣。

始則權臣專制。○ 政出私門。○ 終乃鳩毒。○ 潛加^{可恨}享年不永。○ 嗚呼惜哉。

嚴蔚宗曰。○ 劫運未終。○ 有德不饗。○ 憑吊遺事。○ 可勝躑躅。

武帝

自東西否隔二國爭疆戎馬生郊干戈日用兵連禍結力敵勢均
疆場之事一彼一此高祖續業未親萬機慮遠謀浚以蒙養正及
英威電發朝政惟新內難既除外畧方始乃苦心焦思克已勵精
勞役為士卒之先居處同匹夫之儉脩富民之政務彊兵之術乘
離人之有釁順大道而推止五年之間大勳斯集攄祖宗之宿憤
拯東夏之阡危盛矣哉其有成功者也若使翌日之瘳無爽經營
之志獲申續武窮兵雖見譏於良史雄圖遠畧足方駕於前王者
歟

朱幼柱曰議論英爽

宣帝

高祖識嗣子之非才。顧宗祏之至重。滯愛同於晉武。則哲異於宋宣。但欲威之以禳楚。期之於懲肅。義方之教。豈若是乎。卒使昏虐君臨。姦回肆毒。善無小而必棄。惡無大而弗為。窮南山之簡。未足書其過。盡東觀之筆。不能記其罪。朕猶獲全首領。及子而止。幸哉。宋澄嵐曰。歸罪貽謀。當非酷論。

靜帝

靜帝越自幼冲紹茲哀緒內相挾孫劉之詐戚藩無齊代之疆隋
 氏因之遂遷龜鼎雖復岷峨悲壯投袂翻成陵奪之威潭淫勤王無救
 宗周之殞嗚呼以太祖之克隆景業未踰二紀不祀忽諸斯蓋宣
 帝之餘殃非鴆子之罪戾也

朱子強曰慷慨激烈金石歛音

靜帝

列傳

皇后

周氏率由姬制。內職有序。太祖創基。修祚席以儉約。高祖嗣曆。節情欲於矯枉。宮闈有貫魚之美。戚里無私溺之尤。可謂得人君體也。宣皇外行其志。內逞其欲。溪壑難滿。採擇無厭。恩之所加。莫限。所。皂。榮。之。所。及。無。隔。險。設。於。是。升。蘭。殿。而。正。位。踐。柵。庭。而。齊。體。者。非。一。人。焉。階。房。帷。而。拖。青。紫。承。恩。倖。而。擁。玉。帛。者。非。一。族。焉。雖。享。癸。之。荒。淫。趙。李。之。傾。惑。曾。未。足。比。其。髣。髴。也。民。歎。苛。政。弊。事。寔。多。太。祖。之。祚。忽。諸。特。由。於。此。故。叙。其。事。以。為。皇。后。傳。云。

追咎宣皇嚴正不溢亦南山東觀之一閱也

自周氏受命逮乎高祖年踰三紀世歷四君業非草昧之辰事殊
權宜之日乃棄同即異以夷亂華捐婚姻之彝序求豺狼之外利
既而報者俟矣施者無猷向之所謂和親未幾已成讎敵奇正之
道有異於斯於時高祖雖受制於人未親庶政而謀士韞奇直臣
鉗口過矣哉
本禍高祖尤為直筆

卽惠公顯祀簡公連莒莊公洛生虞國公仲

當隋氏之起乘天威而服海內將相王侯莫不隳肝膽以効款援
符命以頌德胄以葭莩之親據一州而叶義舉可謂忠而能勇功
業不遂悲夫亮實庸才圖非常於巨逆古人稱不度德不量力者
其斯之謂歟
効款頌德二語可為寫照

晉蕩公護

有周受命之始。字久護。實預艱難。及太祖崩殂。諸子冲幼。羣公懷
等夷之志。天下有去就之心。卒能變魏為周。俾危獲乂者。護之力
也。向使加以禮讓。繼之以忠貞。桐宮有悔過之期。未央終天年
之數。則前史所載。烏足以道哉。朕護寡於學術。昵近羣小。威福在
己。征伐自出。有人臣無君之心。為人主不堪之事。忠孝大節也。違
之而不疑。廢弒至逆也。行之而無悔。終於身首橫分。妻孥為戮。不
亦空乎。

伍連城曰。不學此匪。雖伊霍難免。語語為功臣說法。

賀拔勝念賢

勝岳昆季以勇畧之姿當馳競之際茲邀時投隙展効立功始則委質爾朱中乃結款高氏太昌之後即帝圖高察其所由固非守節之士及勝垂翅江左憂魏室之危亡奮翼關西感梁朝之顧遇有長者之風矣終能保其榮寵良有以爲岳以二千之羸兵抗三秦之勍敵奮其智勇克剪凶渠雜種畏威遐方慕義斯亦一時之盛也卒以勳高遠禍無備嬰戮惜哉陳涉首事不終有漢因而創業賀拔元功夙頌太祖藉以開基不有所廢君何以興信乎其狀矣

姚仙期曰依征保寵勲庸致禍報施爽矣至於廢興之際斷有天意固非一家之言也

寇洛李弼于謹

賀拔岳變起倉卒侯莫陳悅意在魚并於時將有離心士無固志洛撫緝散亂抗禦仇讎全師而還敵人絕覬覦之望度德而處霸王建匡合之謀此功故不細也李弼于謹懷佐時之畧逢啓望之運綢繆顧遇締構艱難帷幄盡其謨猷方面宣其庸績擬巨川之舟艤為大廈之棟梁非惟攀附咸名抑亦材謀自取及謹以耆年碩德譽重望高禮備上庠功歌司樂常以滿盈為戒霞折是憂不有君子何以能國

鍾呂之音不作細響

趙貴獨孤信侯莫陳崇

趙貴志懷忠義。首倡大謀。爰啟聖明。克復讎耻。關中全百二之險。周室定三分之業。彼此一時。足為連類。獨孤信威。申南服。化洽西州。信著遐方。光照隣國。侯莫陳崇。以勇悍之氣。當戰爭之利。輕騎啟高平之扉。足馬得長坑之後。並以宏材遠畧。附鳳攀龍。績著元勳。位居上衮。而識慙明。慙成以凶。終惜哉。信雖不免其身。慶延於後。三代外戚。何其盛歟。

金五貞曰。駢不傷氣。

梁禦若干惠怡峯劉亮王德
 梁禦等負將率之材。蘊駘銳之氣。遭逢喪亂。馳騫干戈。艱險阻
 備嘗。而功名未立。及殷憂啓聖。豫奉興王。參謀締構之初。宣力經
 綸之始。遂得連衡灌鄴。方駕張徐。可謂遇其時也。茲中年即世。遠
 志未申。惜哉。惠德本以果毅知名。而能率由孝道。難矣。圖史所歎。
 何以加焉。勇者不必有仁。斯不朕矣。
 馮留仙曰。孝德另請。意主風勵。史之稱良。端在是乎。

梁禦若干惠怡峯劉亮王德

梁禦等負將率之材。蘊駘銳之氣。遭逢喪亂。馳騫干戈。艱險阻
 備嘗。而功名未立。及殷憂啓聖。豫奉興王。參謀締構之初。宣力經
 綸之始。遂得連衡灌鄴。方駕張徐。可謂遇其時也。茲中年即世。遠
 志未申。惜哉。惠德本以果毅知名。而能率由孝道。難矣。圖史所歎。
 何以加焉。勇者不必有仁。斯不朕矣。
 馮留仙曰。孝德另請。意主風勵。史之稱良。端在是乎。

王巖王思政

王巖劉峭有餘弘雅未足情安儉率志在公平既而奮節危城抗
辭勅敵梁人為之退舍高氏不敢加兵以此見稱信非虛述不隕
門風亦足稱也王思政驅馳有事之秋慷慨功名之際及乎策名
霸府作鎮潁州設縈帶之險修守禦之術以一城之衆抗傾國之
師率疲乏之兵當勁勇之卒猶能亟摧大敵屢建奇功忠節冠於
本朝義聲動於隣聽雖運窮事感城陷身囚壯志高風亦足奮於
百世矣

許我西曰文尚偶儼朕能不掩其旨

二十一 史記卷之八十八 卷之八十八 卅

達奚武侯莫陳順豆盧寧宇文貴楊忠王雄

達奚武等。竝。兼。資。勇。畧。咸。會。風。雲。或。効。績。中。權。或。立。功。方。面。均。分。
任。感。同。濟。艱。難。可。謂。國。之。爪。牙。朝。之。禦。侮。者。也。而。武。協。規。太。祖。得。
傷。小。間。周。瑜。赤。璧。之。謀。賈。詡。烏。巢。之。策。何。能。以。尚。一。言。興。邦。斯。近。
之。矣。

後將武抽出另講。文有輕重。具見作法。

二十一 史記卷之八十八 卷之八十八 卅

二十一 史論 卷十一 王盟 十六 州

王盟賀蘭祥尉遲綱叱列伏龜閣慶

中陽御歷沛邑多封侯白水配天南陽皆貴戚是知階緣近屬以
取寵榮其來尚矣王盟等始以親黨升朝終以才能進達動宣運
始位列周行實參迹於功臣蓋弗由於恩澤也
顧天棊曰大為諸臣占地步

二十一 史論 卷十一 王盟 十六

卷之十一 尉遲迴 九來堂

尉遲迴王謙司馬消難

尉遲迴地則舅甥職惟台衮沐恩累葉荷瞻一時居形勝之地受
藩維之託罪狀而不扶憂責斯在及主威云謝鼎業將遷九服移心
三靈改卜遂能志存赴蹈投袂稱兵忠君之動未宣違天之禍便
及校其心翟義葛誕之儔歎
朱子強曰深其責亮其心可慰九原之魄

論語 卷十一 尉遲迴 十七 九來堂

二十一史論贊 卷十一 周惠達 州來堂

[Faint bleed-through text from the reverse side of the page]

周惠達楊寬

周惠達見禮於甯黃楊寬荷恩於晉秦既而蕭氏獲罪莊帝出居
遂能契濶寇戎不以興亡卑慮崎嶇危難不以夷險易心斯固篤
終之士矣
整俊中有沉懇之致

二十一史論贊 卷十一 周惠達 十八 州來堂

十一 蘇綽

太祖提劍而起。百度草創。施納法之制。於競逐之辰。修治定之禮。於鼎峙之日。終能斷彫為朴。變奢從儉。風化既旅。而下肅上尊。疆場屢擾。而內親外附。斯蓋蘇令綽之力也。名冠當時。慶流後嗣。宜哉。

蘇綽

太祖提劍而起。百度草創。施納法之制。於競逐之辰。修治定之禮。於鼎峙之日。終能斷彫為朴。變奢從儉。風化既旅。而下肅上尊。疆場屢擾。而內親外附。斯蓋蘇令綽之力也。名冠當時。慶流後嗣。宜哉。

兵漢思曰。一氣攝盡。但見其沈摯之力。忘其烹鍊之苦。

十一 論齊 卷下 蘇綽 十九 大來堂

李賢

李賢和兄弟屬亂離之際居戎馬之間志畧縱橫忠勇奮發並摧
勅敵屢涉艱危而功未書於王府仕不過於州郡及逢時值主策
名委質或使煩莫府或契濶戎行荷生成之恩蒙國士之遇俱縻
好爵各著勲庸遂得任兼文武徽彰內外位高望重光國榮家附
尊連暉椒聊繁衍冠冕之盛當時莫比焉自周迄隋鬱為西京盛
族雖金張在漢不之尚也朕而太祖初崩嗣君冲幼內則功臣放
命外則強寇臨邊晉公以猶子之親膺負圖之託遂能撫寧家國
開剪異端革魏興周遠安適悅功勤已著過惡未彰李植受遇先

朝宿參機務。恐威權之已去。懼將來之不容。生此厲階。成茲貝錦。乃以小謀大。由疎間親。主無昭帝之明。臣有上官之訴。嫌隙既兆。豐故因之。啟冢宰無君之心。成閔皇廢弑之禍。植之由也。李遠既闕義方之訓。又無先見之明。以是誅夷。非為不幸。

沈君房曰：風華掩映，警策處語語入激。

赫連達韓果蔡祐常善辛威庠狄昌田弘梁椿梁臺宇文測
太祖屬禍亂之辰。以征伐定海內。大則連兵百萬。繫以存止。小則
轉戰邊亭。不闕旬月。是以人無少長。士無賢愚。莫不投筆要功。橫
戈請奮。若夫數將者。茲攀翼雲漢。底績屯夷。雖運移年世。而名成
終始。美矣哉。以赫連達之先識。而加以仁恕。蔡祐之敢勇。而終
之以不伐。斯豈企及所致乎。亦天性也。宇文測昆季政績謀猷。咸
有可述。其當時之良臣歟。

雖曰天性。狀亦可學。而致美嘆之辭。不妨偏舉。要其清爽。翱翔
則筆態回。未易及也。

二十一 史論續 卷十一 史寧 州

史寧陸端賀若敦權景

昏耿引起恭抗勁虜於疏勒馬敦拒羣兵於汧城雖以生易死終賴王
師之助其嘉穀峻節亦見稱於良史焉賀若敦志畧慷慨深入敵
境勅敵絕其糧道長江阻其歸塗勢危而策出無方事迫而雄心
彌厲故能使士卒感其義敵人畏其威利涉死地全師而返非夫
忘生以徇國者其孰能若此者乎俯窺元定之傳曾冀土之不若
也誠宜裂地以賞之分職以授之而茂勳莫紀嚴刑已及嗟乎政
之純繆一至於此天下是以知宇文護不能終其位焉史寧權景
宣茲以將帥之才受內外之寵總戎薄伐著尅敵之功布政蒞民

二十一 史論續 卷十一 史寧 二十二

岳稱職之譽若此者豈非有國之良翰歟。狀而史在末年，貨財虧其雅志，摧亦晚節矜驕，喪其威嚴。傳曰：終之實難，其斯之謂矣。陸騰志氣，凜狀雅杖名節，及受戎律，建藩麾，席卷巴梁，則功著銘典。雲撤江漢，則聲流帝籍，身名俱劭，其策優乎。沈君輔曰：理立聲流，疾徐合節，似按九成之奏。

王傑王勇字文虬字文盛耿豪高琳李和伊婁穆楊紹王雅

達奚寔劉雄侯植

王傑王勇字文虬之徒，咸以果毅之姿，效節於擾攘之際，終能屠堅覆銳，立禦侮之功。裂膏壤，據勢位，固其室也。仲尼稱無求備於一人，信矣。夫文士懷溫恭之操，其弊也。慙弱武夫，稟剛烈之質，其失也。敢悍故有使酒不遜之禍，拔劍爭功之尤。大則莫全其生，小則僅而獲免。耿豪王勇不其狀乎。姚仙期曰：居功不善，自貽伊戚，宜永以為鑒也。

竇熾于翼

竇熾儀表魁梧。器識雄遠。入參朝政。則嘉謀以陳。出總蕃條。則惠政斯洽。竇毅忠肅。奉上溫恭。接下茂實。彰於本朝。義聲揚於殊俗。竝以國華民望。論道當官。榮映一時。慶流來葉。及熾遲疑。勸進有送。故之心。雖王公恨恨。何以加此。語曰。君使臣以禮。臣事君以忠。朕則效忠之迹。或殊。處臣之理。斯一。推言指要。其維致命乎。是以典午擅朝。葛公休為之投袂。新都篡盜。翟仲文所以稱兵。及東郡誅夷。竟速漢朝之禍。淮南覆敗。無救魏室之亡。而烈士貞臣。赴蹈不已。豈忠義所感。視死如歸者歟。于李之送往事。居有曲於此。翼

既功臣之子地即姻親穆乃早著勳庸寄溪肺腑並兼文武之任
荷累世之恩理宜與存與亡同休同戚加以受并城之託總戎馬
之權勢力足以勤王智能足以衛難乃宴安寵祿曾無釋位之心
報使獻誠但務隨時之義弘名節以高貴豈所望於二公若捨彼
天時徵諸人事顯慶起晉陽之甲文若發幽薊之兵叶契岷峨約
從漳滏北控沙漠西指嶠函則成敗之數未可量也
黃五湖曰博雅沉練前段賞嘆後段責望嶷嶷淙淙極時派之
致雋永可懷

趙善元定楊樹裴寬楊敷
趙善等或行彰於孝友或誠顯於忠槩成躬志力俱徇功名兵凶
戰危城孤援絕楊敷趙善類龐德之勢窮元定裴寬同黃推之無
路王旅不振非其罪也敷少而慷慨終能立節仁而有勇其家優
乎楊樹屢有奇功忸於數勝輕敵無備兵破身囚未能遠謀良可
嗟矣易曰師出以律否臧凶傳曰不備不虞不可以師其楊樹之
謂矣

唐表臣曰典故經傳淹博無前

鄭孝穆崔謙裴俠薛端薛善

鄭孝穆撫寧離散。幽岐多禰負之人。崔謙鎮禦邊。岳江漢流載清。之詠。崔訖居家理治。以嚴肅見稱。蒞職當官。以猛毅為政。裴俠忠勤奉。上廉約治身。吏不能欺。民懷其惠。薛端歷居顯要。以疆直知名。薛善任惟繁劇。以弘益流譽。竝當時之良將也。而善陷齊諂護。以要權寵。易名為繆。斯不謬乎。既表衆長。仍標獨短。恕不廢直。史臣之誼也。

鄭偉楊篡段永王士良崔彥穆令狐整司馬裔裴果

鄭偉崔彥穆等之在山東注以不羈之才適回於鸞雀終能翻狀

豹變自致龜組其知機之士歟王士良之仕於齊斑職上卿出為

牧伯而臨危苟免失忠與義其背叛之徒歟令狐整器幹確狀雅

望重於河右處州里則勲著方隅升朝廷則績宣中外而畏避權

寵克保終吉不如是亦何以立遺名取高位乎

吐茹雍狀

蘇亮呂思禮薛澄薛寘李昶元偉

太祖除暴寧亂創業開基是合求賢共康庶政既焚林而訪阮亦
榜道以求孫可謂野無遺才朝多君子蘇亮等立學稱該博文擅
雕龍或揮翰鳳池或著書麟閣咸居祿位各逞琳琅擬彼陳徐慙
後生之可畏論其任遇實當時之良選也魏文帝有言古今文人
類不護細行其呂思禮薛澄之謂也

朱子強曰揮灑有餘

尉遲運王軌宇文神舉宇文孝伯顏之儀

士有不因學藝而重不待爵祿而貴者何亦云忠孝而已若乃竭
力以奉其親者人子之行也致身以事其君者人臣之節也斯固
彌綸三極囊括百代當宣帝之在東朝凶德方屯王軌宇文孝伯
神舉志惟無隱盡言於父子之間淫刑既逞相繼夷滅隋父之將
登庸人懷去就顏之儀風烈懍朕正辭以明節崎嶇雷電之下僅
而獲濟斯數子者豈非社稷之臣歟或人以為不忠則天下莫之
信也自古以外戚而居重任多藉一時之恩至若尉遲運者可謂
位以才異爵由功進美矣哉

紀事明暢直少古勁耳。

王褒庾信

周氏創業運屬凌夷。纂遺文於既喪。聘奇士如弗及。是以蘇亮蘇綽。盧柔唐瑾。元偉李昶之徒。咸奮鱗翼。自致青紫。狀綽建言務存質朴。遂糠粃魏晉。憲章虞夏。雖屬詞有師古之美。矯枉非適時之用。故莫能常行焉。既而車電邁渚。宮雲撤爾。其剡澹杞梓東南。竹箭備器。用於廟堂者衆矣。唯王褒庾信。奇才秀出。牢籠於一代。是時世宗雅詞。雲委滕趙。二主雕章。間發咸築。宮虛館有如布衣之交。由是朝廷之人。閭閻之士。莫不忘味於遺韻。眩精於末光。猶丘陵之仰嵩岱。川流之宗溟渤也。狀則子山之文。發源於宋。未盛

行於梁季其體以淫放為本其詞以輕險為宗故能諱目侈於紅紫蕩心逾於鄭衛魯揚子雲有言詩人之賦麗以則詞人之賦麗以淫若以庾氏方之斯又詞賦之罪人也師古而不能適時終是轅下物妙論可醒文人之夢若其麗則故有葩風

蕭撫蕭世怡蕭圓蕭大園宗懔劉璠柳霞

蕭撫世怡圓蕭大園迄有梁之令望也雖羈旅異國而終享榮名非有茲基夙懷久質亦何能至於此乎方武陵擁衆東下任撫以蕭何之事君臣之道既篤家國之情亦隆金石不足比其心河山不足盟其誓及魏安之至城下旬日而智力俱竭委金湯而不守舉庸蜀而來王者若乃見機而作誠有之矣守節沒齒則未可焉宗懔幹局才辭見稱於梁元之世逮乎俘囚楚甸播穢秦中屬太祖思治之辰遇世宗好士之日在朝不預政事就列纔忝戎章豈懷道圖全優遊卒歲將用與不用留滯當年乎梁氏據有江東五

十餘載。挾筭紀事。勳成不朽者。非一家焉。劉璠學思通博。有著述之譽。雖傳疑傳信。頗有詳畧。而屬辭此事。足為清典。蓋近代之佳史歟。柳霞立身之道。進退有節。觀其眷戀墳隴。其孝可移於朝廷。盡禮舊主。其忠可事於新君。夫能推此類。以求賢則知人。幾於易矣。致亦翩躚。言乎淘汰。則未也。

李延孫 韋祐 韓雄 陳忻 魏玄

二國爭疆。四郊多壘。鎮守要害。義屬武臣。李延孫等。以勇畧之姿。受扞城之寄。灌瓜贈藥。雖有愧於昔賢。御侮折衝。足方駕於前烈。用能觀兵伊洛。保據嶠函。齊人沮西畧之謀。周朝緩東顧之慮。皆數將之力也。

衍詞。

泉企李遷哲楊乾運扶徯陽雄席固任果

古人稱仁義豈有常蹈之則為君子背之則為小人信矣泉企長
自山谷素無月旦之譽而臨難慷慨有人臣之節豈非蹈仁義歟
元禮仲遵聿遵其志卒成功業庶乎克負荷矣李遷哲楊乾運席
固之徒屬方隅擾攘咸翻狀而委質遂饗爵位以保終始觀遷哲
之對太祖有尚義之辭乾運受任武陵垂事人之道若乃校長短
此優劣故不可同年而語矣陽雄任兼文武嚴著中外抑亦志能
之士乎

涪宕委蛇

儒林

自有魏道消海內版蕩彞倫攸斃戎馬生郊先王之舊章往聖之遺訓掃地盡矣及太祖受命雅好經術求遺文於三古得至理於千載黜魏晉之制度復姬旦之茂典盧景宣學通羣藝脩五禮之缺長孫紹遠才稱洽聞正六樂之壞由是朝章漸備學者向風世宗纂厯敦尚學藝內有崇文之觀外重成均之職握素懷鈇重席解頤之士間出於朝庭圓冠方領執經負笈之生著錄於京邑濟濟焉足以踰於向時矣洎高祖保定三年乃下詔尊太傅燕公為三老帝於是服袞冕乘碧輅陳文物備禮容清蹕而臨太學袒割

以食之奉觴以醕之。斯固一世之盛事也。其後命輜軒而致玉帛。徵沈重於南荆。及定山東。降至尊而勞萬衆。待熊生以殊禮。是以天下慕嚮。文教遠覃。衣儒者之服。挾先王之道。開黌舍。延學徒者。此肩勵從師之志。守專門之業。辭親戚。甘勤苦者。成市雖遠。風盛業不逮。魏晉之辰。而風移俗變。抑亦近代之美也。其儒者自有別傳。及終於隋之中年者。則不兼錄。自餘撰於此篇云。

高華清典三朝風尚。追寫逼真。

儒林二

史臣每聞故老稱沈重所學。非止六經而已。至於天官律曆陰陽。緯候流畧。所載釋老之典。靡不博綜。窮其幽蹟。故能馳轂海內。為○無○泰○一代儒宗。雖前世徐廣何承天之儔。不足過也。有此一人。儒林生色矣。

孝義

夫塞天地而橫四海者其唯孝乎。奉大功而立顯名者其唯義乎。何則。孝始事親。惟后資於致治。義在合宜。惟人賴以成德。上智稟自朕之性。中庸有企及之美。其大也。則隆家光國。盛烈與河海爭流。授命滅親。峻節與竹柏俱茂。其小也。則溫枕扇席。無替於晨昏。損已利物。有助於名教。是以堯舜湯武居帝王之位。垂至德以敦其風。孔墨荀孟稟聖賢之資。弘正道以勵其俗。觀其所由。在此而已矣。朕而淳源既往。澆風愈扇。禮義不樹。廉讓莫修。若乃縮銀黃。列鐘鼎。立於朝廷之間。非一族也。其出忠入孝。輕生蹈節者。則蓋

憲烏積龜目實倉廩居於閭巷之內非一家也其悅禮敦詩守死
善道者則又鮮焉斯固仁人居子所以興歎哲后賢宰所宜屬心
如○救○事○示○可○緩○狀○施○為○有○次○第○如令明教化以救其弊優爵賞以勸其善布懇誠以誘其進積歲
月以求其終則今之所謂少者可以為多矣古之所謂為難者可
以為易矣故博採異聞網羅遺逸錄其可以垂範方來者為孝義
篇云
前路猶勸唾餘末則心裁楚二矣

孝友二

李棠柳檜竝臨危不撓視死如歸其壯志貞情可與青松白玉比
質也狀檜恩隆加等棠禮闕飾終有周之政於是乎偏矣雄亮銜
戴天之痛叔毗切同氣之悲援白刃而不顧雪家冤於輦轂觀其
志節處死固為易也荆可秦族之徒生自隴畝會無師資之訓因
心而成孝友乘理而蹈禮節如使舉世若茲則義農何遠之有若
乃誠感天地孝通神明見之於張元矣
恐有任性之弊故置於次篇昔人立言不取偏至於斯可概見
已

藝術

太祖受命之始。屬天下分崩。於時戎馬交馳。而學術之士。益寡。故曲藝末技。咸見引納。至若龔儁。蔣昇。趙文深之徒。雖才愧昔人。而名著尚世。及尅定鄔郢。俊異畢集。樂茂雅蕭。吉以陰陽顯。庾季才以天官稱。史元華相術擅奇。許奭。姚僧垣。方藥特妙。斯皆一時之美也。茂雅元華。許奭。史失其傳。季才蕭吉。官成於隋。自餘紀於此篇。以備遺闕云爾。

起手數語。見遇其感者。不可負諸命。意深達。

仁義之於教大矣。術藝之於用博矣。狗於是者。不能無非。厚於利。

者必有其害。詩書禮樂，所失也。淺故先王重其德，方術技巧，所失也。深故往哲輕其藝。夫能通方術而不詭於俗，習技巧而必蹈於禮者，豈非大雅君子乎？姚僧垣諫侯精，審名冠於一代，其所全濟固亦多矣。而弘玄義方，皆為令器，故能享着壽縻，好爵老聃云：天道無親，常與善人。於是信矣。

術藝之中，醫為其冠。而廣仁布德，亦邁諸伎。壽世君子，每用心焉。勿以為小道而不加之意也。

蕭答

梁主任術好謀，知賢養士，蓋有英雄之志，霸王之畧。烏及淮海版蕩，骨肉猜貳，擁衆自固，稱藩內款，終能據有全楚，中興頽運。雖土宇殊於舊邦，而位歸同於曩日。貽厥自遠，享國數世，可不謂賢哉。嗣子纂承，舊業增脩，遺構賞罰，得衷舉厝，有方密邇，冠讎則威畧具舉，朝宗上國，則嚴猷遠振，豈非繼世之令主乎。

風清氣肅，無媿國書。

異域

有周承喪亂之後屬戰爭之日定四表以武功安三邊以權道趙
 魏尚梗則結姻於北狄旣庫未實則通好於西戎由是德刑具舉
 殷明遐洎卉服氈裘輻湊於屬國商胡販客填委於旗亭雖東畧
 徧三吳之地南巡阻百越之境而國威之所肅服風化之所覃被
 亦足為弘矣其四夷來朝聘者今茲紀之於後至於道路遠近物
 產風俗詳諸前史或有不同斯皆錄其當時所記以備遺闕云爾
 殷容爛狀明備

<p>其也</p>	<p>其也</p>	<p>其也</p>	<p>其也</p>	<p>其也</p>	<p>其也</p>	<p>其也</p>	<p>其也</p>	<p>其也</p>
-----------	-----------	-----------	-----------	-----------	-----------	-----------	-----------	-----------

